Gradle in Android


- ال gradle هو build automation tool بيستخدم في عمل manage لل build process في ال android projects
 - الـ gardle يعتبر هو المايسترو اللى بيحدد كل task هيبدا امتى وهيعمل أيه بالظبط زى ما هنشوف قدام

Structure of gradle files

- في files كتيره خاصة بال gradle هنتكلم عنهم كلهم ولكن أهم files هما ال build.gradle ودول نوعين



build.gradle.kts (Module :app) build.gradle.kts (Project: [project name])



- دلوقتي هنتكلم عن كل واحد منهم والفرق بينهم

■ ايه الفرق بين الـ build.gradle الخاص بالـ app والـ build.gradle ■ الخاص بالـ project ؟

- إحناكنا إتكلمنا عن الجزئية دى بالتفصيل لماكنا بنتكلم عن الـ modularization ولكن app عن الـ build.gradle هو باختصار قلنا إن اى module بعملة بيكون ليه build.gradle خاص بيه والـ build.gradle عبارة عن module وده الـ build.gradle الخاص بيه
 - اما الـ project ممكن يكون فيه اكتر من module علشان كده بيكون فيه build.gradle خاص بالـ project كلة
- فأى كود هكتبة في الـ build.gradle الخاص بالـ app هيطبق على الـapp فقط اللى هو عبارة عن module
- أما أى كود هكتبة في الـ build.gradle الخاص بالـ project هيطبق على كل الـ project الما أى كود هكتبة في الـ modules اللي منهم الـ app module

■ أولاً: (build.gradle(Module :app

- الـ location بتاع الـ file ده بيكون في الـ module نفسة
- الغرض منه هو إنى بحدد فيه الـ configuration الخاص بالـ module زي ما هنشوف
- لو فتحت الـ build.gradle file الخاص بالـ app module هلاقى كذا block هنتكلم عنهم دلوقتى :

1-plugin Block

✓ الـ plugins دى هى خاصة بالـ app module فقط يعنى مش هقدر أستخدمها خارج الـ app module في باقى الـ project

```
plugins {
    id ("com.android.application")
    id ("kotlin-android")
}
```

2-android Block

√ الـ android block فيه كذا attribute وكذا block هنتكلم عنهم كلهم بالتفصيل

Namespace

```
namespace = "com.example.myapplication"
```

com.example.myApplication

ده یعتبر (top level domain(TLD) او الا company وعادة بیکون com لأسباب تجاریة زی کتیر من الشرکات

ده يعتبر second level domain ودة عادة بيكون إسم الـ organization او الـ company يعنى مثلاً لو بعمل app لشركة إسمها Example Corp هختار كلمة example علشان تظهر إسم الشركة ده عادة يشير إلى إسم ال application وفي حالة ال app module أما باقى ال modules يشير إلى إسم ال module

√ الـ app module يعتبر هو الـ main module للـ project كلة علشان كدة الـ application Id كلة علشان كدة الـ application Id

■ إيه فايدة الـ namespace ؟

الا namespace بيخلى الـ resource والـ classes اللى فى الـ module تكون متعرفة بشكل conflict زى مثلاً لو بشكل uniquely identifiable) علشان ميحصلش conflict زى مثلاً لو عندى two module وكل واحد منهم فيه class خاص بـ feature معينة وكان ليهم نفس الإسم من غير الـ namespace هيحصل conflict ولكن باستخدام الـ module عدد كل class تبع أنه module

⇔compileSdk

- هنا هحدد الـ android Sdk version اللي الـ app اللي عليه

compileSdk = 35

- معنى إنى أحدد الـ compileSdk يكون 35 يعنى الـ project ده هيحصلة compile على أحدد الـ feature الخاصة بـ 35

defaultconfig Block

م block كا default configuration لل block فايدة ال block فايدة ال

```
defaultConfig {
    applicationId = "com.example.islam"
    minSdk = 24
    targetSdk = 35
    versionCode = 1
    versionName = "1.0"
    testInstrumentationRunner = "androidx.test.runner.AndroidJUnitRunner"
}
```

applicationId

√ الـ applicationId هو عبارة عن Unique identifier للـ app في الـ project او على applicationId للـ app هو عبارة عن applicationId للـ google play ولكن google play ممكن يكون فيه اكتر من app ليه نفس الـ applicationId لانه unique

minSdk

√ معنى ان الـ minSdk هو 24 يعنى الـ app مش هيشتغل على أى device الـ Api Level بتاعة أقل من 24

targetSdk

√ معنى إن الـ targetSdk هو 35 إن الـ app مصمم إنه يـ run على device الـ targetSdk الـ targetSdk على targetSdk الـ targetSdk

versionCode

√ ده عبارة عن رقم integer بيمثل رقم الـ version مهم في عمل الـ integer للـ app للـ app على الـ app على الـ app على الـ app store ومينفعش يتكرر لازم يحصل increment وانا برفع الـ app على الـ store

versionName

- ✓ ده عبارة عن string ممكن يكون بأى format زى مثلاً "4.1" او "5" او "1.9.4"
 وفايدتة انه بيظهر للـ user على الـ app store الـ version بتاع الـ qpp
- testInstrumentationRunner
 - √ ده خاص بال test runner بیحدد ال test runner علشان یستخدم ل running instrumented tests

❖ buildFeatures Block

✓ باستخدام الـ Block بتاع الـ buildFeatures علشان أعمل Block لـ BuildConfig علشان أعمل BuildConfig بتاع الـ viewBinding

```
buildFeatures {
    buildConfig = true
    viewBinding = true
}
```

buildType Block


√ أى app بيكون ليه two default buildTypes وهما ال release وال app بيكون ليه project بيتعملهم create

```
buildTypes {
    release {
        isMinifyEnabled = false
        proguardFiles(
            getDefaultProguardFile( name: "proguard-android-optimize.txt"),
            "proguard-rules.pro"
        )
    }
}
```


- الـ release هي النسخة الـ production اللي هي النسخة بتطلع للـ client اللي بتترفع على الـ play store ويستخدمها في الأخر
 - اما الـ debug دى النسخة اللى بيستخدمها الـ developer او الـ tester بمعنى انه يقدر يعمل track للـ issue أو الكود اللى عندى

✓ ممكن أضيف أي نوع تاني بسهولة

File → project structure → Build Variants



- √ هلاحظ ان فيه attributes لل build type زى مثلاً ال application ID Suffix في ال debug لو حددتة debug. وده هيضيف كلمة debug لل package name الأساسية
- لو عايز النسخة الـ debug تكون اسم الـ app مختلف عن الإسم في النسخة الـ release



- 1- في البداية هتأكد إننا في الـ project View
- 2- بعد كدة هفتح ال app module وهفتح ال
 - 3- هعمل directory وهختار Debug\res
 - 4- هعمل resource file إسمة strings
 - 5- هلاقية عمل override لملف الـ strings بحيث أقدر أغير فيه

- لو عملت run هلاقي الـ app اتعملة install على الـ device بالإسم الجديد وهو في الـ debug mode
- وبنفس الطريقة ممكن أغير في اى resource يعنى يكون في الـ release حاجة معينة وفي الـ debug حاجة تانية
- لو عندى كود معين وعايزة يتنفذ في حالة الـ debug وميتنفذش في حالة الـ release : 1 في البداية هفعل الـ BuildConfig بالشكل ده :

```
buildFeatures {
    buildConfig = true
}
```


2- هكتب الكود بالشكل ده:

```
if (BuildConfig.BUILD_TYPE == "debug") {
   Toast.makeText(context: this, text: "hello debug", Toast.LENGTH_LONG).show()
}
```


- لو عملت run هلاقیه فی حالة ال debug عمل الـ toast وفی حالة الـ release مش هیعمل الـ toast

productFlavors

- By default مش بيكون فيه اى flavor في البداية ولكن بيكون فيه two build type اللي اتكلمنا عنهم two build type
 - أيه الفرق بين الـ buildType والـ productFlavors :
- الـ buildType بيطلعلك type من الـ build مختلف سواء كان debug او release اما الـ product flavors بيطلعلك apk مع خصائص مختلفة يعنى ايه :
- يعنى مثلاً لو عندى app ومحتاج أطلع منه نسخة free ونسخة pro إذا كل واحد منهم هيطلع نسختين اللى هما الـ debug والـ release بحيث إنى أقدر أعمل test للنسخة من كل الجوانب وتطلع النسخة وأقدر أرفعها
 - إزاى أضيف Flavors ؟
 - لو فرضنا إن عندى app وعايز أعملة نسخة مدفوعة ونسخة مجانية file --> project structure --> flavors



√ لو ضغط Add product Flavor هلاقیة بیقولی إنك لازم یکون عندك flavor dimension



- علشان كدة هحدد الإختيار الأول Add Flavor Dimension هيفتح الـ flavor dimention name

A	Create New Flavor Dimension	×					
Enter a new flavor dimension name:							
F	roductTypes						
	ОК	Cancel					

- هتظهر بالشكل ده:

Build Types	Flavors					
+ - 0						
□ ProductTypes						

- هضيف الـ product flavor الأول هو الـ free والثاني هو الـ pro بالشكل ده:

Build Types Flavors	
+ - 8	
✓ ₩ ProductTypes ₩ free	
🔡 pro	
Dimension	
ProductTypes (ProductTypes)	
Application ID	
Application ID Suffix	
Version Code	

هلاحظ إن فيه attributes لكل flavor ممكن احددها:

- زى مثلا الـ version code والـ minSdk وغيرها ممكن أحددها لكل واحد من الـ flavor
 - دلوقتي هحدد مثلاً الـ ApplicationID suffix بالشكل ده :

pro --> .pro

Free --> .free

- لو روحت للـ build.gradle الخاص بالـ app هلاقية bydefault ضاف الكود ده :

```
flavorDimensions += listOf("ProductTypes")
productFlavors {
    create( name: "free") {
        dimension = "ProductTypes"
        applicationIdSuffix = ".free"
    }
    create( name: "pro") {
        dimension = "ProductTypes"
        applicationIdSuffix = ".pro"
    }
}
```

- اقدر أضيف اى resource في أى flavor واقدر كمان اضيفة في flavor معين وال flavor - اقدر أضيف اى الثاني مضفيهوش بنفس الطريقة اللى فاتت

Product view --> src --> generate directory --> free\res

- هنا هعمل أى resource انا عايزة بنفس الطريقة اللى فاتت


- ممكن أتحكم في تنفيذ اي كود في أي flavor بنفس الطريقة اللي فاتت بالشكل ده :

```
if (BuildConfig.FLAVOR == "free") {
   Toast.makeText( context: this, text: "hello free", Toast.LENGTH_LONG).show()
}
```

- كده الكود ده هيتنفذ في ال free ومش هيتنفذ في الـ pro

﴾ في طريقة تانية ممكن أنفذ بيها كود مختلف في كل Flavor :

- الخطوه الأولى:
- 1- هعرض الـ project View في الـ project view
- 2- بعد كده لو حددت الـ build variant مثلا free debug وبعد كدة هعمل freeDebug\kotlin <-- directory <-- src



3- هلاقية عمل folder إسمة kotlin هعمل class أو file وهعمل فيه ميثود مثلاً بالشكل ده مش هعرف أعمل access إلا لو كنت في الـ free Debug

الخطوه الثانية:

- 1- هعمل نفس اللي عملتة ولكن هحدد build variant مختلف مثلاً pro debug مختلف مثلاً proDebug مختلف مثلاً
- 2- هلاقية عمل folder إسمة kotlin هعمل فيه class او file بنفس الإسم اللى عملتة قبل كده ونفس النظام مش هعرف اعمل access إلا لو كنت في الـ pro Debug

الخطوه الثالثة:

- لو جيت أعمل run في الـ free هيتنفذ الكود اللي عملتة في الـ free Debug ولو عملت run في الـ pro Debug ولو عملت run

BuildConfig file


هو عبارة عن class معمول generate والقيم اللي فيه بتكون static

```
public final class BuildConfig {
   no usages
   public static final boolean DEBUG = Boolean.parseBoolean(s: "true");
   no usages
   public static final String APPLICATION_ID = "com.example.myapplication.free.debug";
   1 usage
   public static final String BUILD_TYPE = "debug";
   1 usage
   public static final String FLAVOR = "free";
   no usages
   public static final int VERSION_CODE = 1;
   no usages
   public static final String VERSION_NAME = "1.0";
}
```

علشان افعله بروح عند الـ build.gradle الخاص بالـ module وأضيف الكود ده

```
buildFeatures {
    buildConfig = true
}
```

■ إزاى أضيف parameter في ال BuildConfig:



فيه 3 طرق ممكن أضيف بيها parameter في الـ BuildConfig بالشكل ده: الطريقة الأولى: defaultConfig

الميزة في الطريقة دى اني اقدر اعمل الـ parameter واقدر اوصلة في اي مكان

```
defaultConfig {
    applicationId = "com.example.myapplication"
    minSdk = 24
    targetSdk = 35
    versionCode = 1
    versionName = "1.0"
    testInstrumentationRunner = "androidx.test.runner.AndroidJUnitRunner"
    buildConfigField( type: "Boolean", name: "isHappy", value: "false")
}
```

بعد ما أعمل sync و build الـ parameter هينضاف للـ class وأقدر اعملة access بسهولة بالشكل ده

Toast.makeText(context: this, BuildConfig.isHαppy.toString(), Toast.LENGTH_LONG).show()

لو عملت run هلاقي عمل toast بالقيمة اللي في الـ class اللي هي false

الطريقة الثانية: buildType

لو ضفتة مثلاً في الـ release فقط ده معناة إنى مش هقدر أستخدمة غير في الـ release لو ضفتة مثلاً في الـ debug

هعملة access بنفس الطريقة اللى فاتت بسهولة

الطريقة الثالثة: flavors

لو ضفتة في الـ flavor اللى هي مثلا free ده معناة إنى مش هقدر أستخدمة غير في الـ release دى فقط سواء الـ debug

```
flavorDimensions += listOf("ProductTypes")
productFlavors {
    create( name: "free") {
        dimension = "ProductTypes"
        applicationIdSuffix = ".free"
        buildConfigField( type: "Integer", name: "age", value: "18")
}
create( name: "pro") {
        dimension = "ProductTypes"
        applicationIdSuffix = ".pro"
}
```

compileOptions Block

باستخدام الـ Block ده علشان أحدد توافق الجافا مع الـ source code والـ source

```
compileOptions {
    sourceCompatibility = JavaVersion.VERSION_1_8
    targetCompatibility = JavaVersion.VERSION_1_8
}
```

sourceCompatibility = javaVersion.VERSION_1_8

■ السطر ده بيحدد التوافق مع الـ source code يعنى إيه الكلام ده:

- يعنى بحدد إن الـ source code هيستخدم الـ features الموجودة في java 8 معنى كدة إنى ممكن أستخدم الـ features دى زى مثلاً java 8 دى زى مثلاً java 8 دى زى مثلاً java 8 وغيرها من الـ features الموجودة في java 8 من غير ما أضطر أواجة مشاكل خاصة بالـ compatibility

targetCompatibility = javaVersion.VERSION_1_8

■ السطر ده بيحدد التوافق مع الـ bytecode يعني إيه:

- يعنى بحدد إن الـ bytecode اللى اتعملة compile لازم يكون bytecode مع gava 8 مع bytecode وبالشكل ده هضمن إن يعنى لو فيه حاجة فوق gava 8 مينفعش الاقيها في الـ bytecode وبالشكل ده هضمن إن الـ generated class file ممكن يـ run على generated class file حتى لو مستخدم version جديد من الـ sdk في عمل الـ compile
 - لما بختار الـ JVM لازم يكون متناسب مع الـ minSdk لان مثلاً لو إخترت JVM قليل مع minSdk عالى مش هيعرف يشتغل

- قبل ما نتنقل على الـ Block اللي بعده عايزين نتكلم عن الفرق بين :

Java biteCode Viersion Vs Java Version

Java Version :أولاً

- الـ java feature كل وظيفتة إنة يحدد الـ java feature اللى هنستخدمها ونفس النظام بالنسبة للـ kotlin -->

انیا : Java bytecode Version

- ده بيحدد الـ java bytecode اللى بيكون ناتج عن الـ compile اللى حصل للـ source code وكل version جديد بيكون فيه إضافة زى مثلاً capabilities وغيرهم
- الـ bytecode version ملوش علاقة بالـ language feature ودة معناة إنى مثلاً ممكن أستخدم 18 <-- java bytecode version ولكن مقدرش أستخدم الـ features الموجودة في java 18 دى حاجة ودى حاجة تانية

لازم اكون مختار java version و java version بشكل لازم اكون مختار target لل احيانا مثلا بكون مستخدم التكون ب bytecode تكون ب bytecode لما يحصلها compile تطلع ممكن الـ compatible معين ممكن الـ JVM اللى حددتة

❖kotlinOptions Block

```
kotlinOptions {
   jvmTarget = "1.8"
}
```

jvmTarget = "1.8"

- ده بیحدد إن الـ kotlin code لازم يـ compatible لازم يـ java bytecode يكون compatible مع java 8 ده شبة الـ targetCompatibility
 - وده يضمن إن أى كود kotlin ممكن يستفاد من الـ features الموجودة فى java 8 وكمان أعملة run على java 8 JVM

3- denpendencies Block

- الـ dependencies دى بنضيف فيها الـ library اللى هنحتاجها في الكود
 - في كذا keyword بنستخدمها:

<u>implementation</u>


- دى بنستخدمها كتير وعن طريقها بنضيف اى library او حتى module تانى ونقدر نستخدمها فى أى مكان فى الـ module سواء package او test

</u> api

- دى نفس نظام الـ implementation وكنا إتكلمنا عن الفرق بينهم قبل كدة
 - هفرض إن عندى ثلاث module وكل module فيه كلاس بالشكل ده:
 - بعد كده هعمل implementation بالطريقة اللي إتكلمنا عنها قبل كده اللي هي ((---)
 - السؤال دلوقتي هل module1 يعرف class3 ؟
 - الإجابة لا وده معنى كلمة implementation إنة بيعمل implement ولكن للـ module نفسة فقط وليس باق الـ modules اللي بيعتمد عليها

هل ينفع أعمل الحالة المعاكسة ؟ يعنى أخلى مثلا module1 يعرف class3 ينفع طبعاً وكل اللى هعملة انى module2 في api بكلمة implementation في api(project(":module3"))

- بالشكل ده أقدر أوصل لـ class3 في module1



- debugImplementation
 - دى معناها إن الـ libraries دى مش هتستخدم غير في الـ debug فقط
- releaseImplementation
 - دى معناها إن الـ libraries دى مش هتستخدم غير في الـ release فقط
- **testImplementation**
 - دى خاصة بال implementation اللى ليه علاقة بالـ Local unit test
- androidTestImplementation
 - دى خاصة بال implementation اللى ليه علاقة بال test اللى محتاج الـ emulator يكون شغال وقت الـ test اللى هو الـ test

ثانياً : (build.gradle(project :project name

- الـ file ده بحدد فيه الـ configuration اللي عايزها تطبق على الـ project بالكامل
- نفس الكود اللى إتكلنا عنة فى الـ build.gradle الخاص بالـ app ممكن أكتبة هنا وأستخدمة فى الـ build.gradle بالكامل الـ project بالكامل
 - الـ location الخاص بالـ build.gradle بيكون موجود في الـ location -

```
plugins {
    id("com.android.application") version "7.0.4" αpply false
    id("org.jetbrains.kotlin.android") version "1.5.31" αpply false
    id("com.android.library") version "7.0.4" αpply false
}
```

- الـ plugins دى المفروض إنها تطبق على الـ project بالكامل ولكن طالما حددت إنها بـ false ده معناه انها مش هتطبق لا على الـ project ولا الـ modules

settings.gradle.kts: تُالثاً

- الـ settings.gradel هو جزء من الـ gradle build system بنستخدمة علشان أعمل configure و manage للـ manage
 - → ال settings.gradle بيكون فيه كذا حاجة لعمل ال settings.gradle لل project لل management الله settings.gradle فنتكلم عنهم دلوقتى :

1- pluginManagement

- الميثود ()pluginManagement بتكون فيها ميثود إسمها (repositories فايدة الميثود دى إنى لما بضيف أي plugin بيروح يدور عليها في الـ repositories دى

2- dependencyResolutionManagement

```
dependencyResolutionManagement {
    repositoriesMode.set(RepositoriesMode.FAIL_ON_PROJECT_REPOS)
    repositories {
        google()
        mavenCentral()
        maven { url = uri( path: "https://jitpack.io" ) }
    }
}
```

- الـ ()repositories دى بتكون خاصة بالـ dependencies يعنى أى dependencies موجودة في اى module بيروح يدور عليها في الـ repositories دى

لو عندي مثلاً library بالشكل ده:

implementαtion("com.github.davidmigloz:number-keyboard:4.0.6")

- لو عملت run هلاقی حصل error ده:

```
Sync × Build Output × Build Analyzer ×

> Could not find com.github.davidmigloz:number-keyboard:4.0.6.

Searched in the following locations:

- https://dl.google.com/dl/android/maven2/com/github/davidmigloz/number-keyboard/4.0.6/number-keyboard-4.0.6.pom

- https://repo.maven.apache.org/maven2/com/github/davidmigloz/number-keyboard/4.0.6/number-keyboard-4.0.6.pom

Required by:
    project :app
```

Step 1

Add the JitPack repository to your build.gradle file:

هضيفة في الـ project عندي بالشكل ده :

```
dependencyResolutionManagement {
    repositoriesMode.set(RepositoriesMode.FAIL_ON_PROJECT_REPOS)
    repositories {
        google()
        mavenCentral()
        maven { url = uri( path: "https://jitpack.io" ) }
    }
}
```

- ولو عملت run هلاقي الـ library إنضافت وأقدر أستخدمها بسهولة

3- name of the root project

rootProject.name = "My Application"

- هنا بيحدد ال project name اللي انا حددتة لل

4- include function

```
include( ...projectPaths: ":app")
```

- الـ function دى مهمة جداً لاني بحدد فيها الـ modules اللي موجودة عندى في الـ function

gradle.properties : رابعاً

- هو عبارة عن configuration file بيستخدم في الـ gradle build علشان أحدد الـ settings والـ settings زى ما هنشوف كمان شوية
- الـ gradle properties بيخليني أقدر أعمل customize لجوانب كثيرة من الـ build process من غير ما أضطر أغير في الـ build script

﴿ أيه الحاجات اللي أقدر أكتبها في الـ gradle.properties file ؟

1-Define properties

- ممكن أعرف فية properties وأقدر أوصلة في أى مكان في الـ gradle build scripts زى مثلاً الـ gradle build scripts

```
hilt_version = 2.48
```

بعد كده هقدر اوصلة في اي build scrip file بالشكل ده:

```
val hilt_version = project.findProperty("hilt_version").toString()
```

implementation("com.github.davidmigloz:number-keyboard:\$hilt_version")

2-Configuration settings

- بحدد الـ build configuration settings

org.gradle.jvmargs=-Xmx8192m -XX:+HeapDumpOnOutOfMemoryError -Dfile.encoding=UTF-8

arguments اللى الـ gradle بيستخدمها وهو بـ JVM arguments اللى الـ allocate memory, performance options, encoding

-Xmx8192

- الـ option ده بيحدد الـ maximum heap size اللى الـ ywm هستخدمة وهو 8 GB وزيادة

-XX:+HeapDumpOnOutOfMemoryError

- ده عبارة عن flag بيعمل heap dump لحيث لو حصل flag بعمل -Dfile.encoding=UTF8-

- ده بیحدد الـ jvm الله default file encoding هو UTF-8

org.gradle.daemon=true

- ده بيعمل enable لـ gradle daemon process بيسرع عملية الـ build

org.gradle.parallel=true

- ده بیخلی الـ gradle ممکن یعمل execute لاکثر من task بشکل parallel لو خلیت قیتة بینود الـ performance performance فی نفس الوقت طبعاً بیزود الـ multiple cpu core وکمان بیحسن سرعة الـ build عن طریق إستخدام

org.gradle.configureondemand=true

- لما الـ feature دى بتكون true ده بيخلى الـ gradle يعمل configure للـ modules المطلوبة للـ tasks اللي بتتنفذ حالياً بدل ما يعمل configure لكل الـ tasks

android.enableAapt2=true

- ده بيعمل enable لـ AAP2 ودة إختصار لـ Android Asset Packaging Tool2 فايدتة apk فايدته project علشان يطلع الـ packaging كل الـ files



org.gradle.caching=true

- ده بيعمل enable ل gradle build cache ودة بيخليه يستخدم الـ output من عمليات الـ build السابقة ودة بيزود سرعة الـ build

android.useAndroidX=true

ده بيعمل enable ل AndroidX dependencies libraries ودى تعتبر أفضل من Android libraries القديم

android.enableJetifier=true

- ده بیعمل enable ل Jetifier tool والـ tool دی بتساعد فی عمل Jetifier tool بین الـ AndroidX libraries والـ Older Android libraries

ا خامساً: local.properties

- ودة file من ضمن الـ files اللى بتكون موجودة عندى في الـ project وهو عبارة عن simple text file ويتعملة generate من الأندرويد استديوا
- فى حاجة مهمة هنا الـ file ده bydefault بيكون موجود فى الـ git.ignor يعنى هو من ضمن الـ files اللى هيتم تجاهلهم لما برفع الـ project على أى version control

🥕 أيه فايدة ال local proferties file أيه

1-Environment-specific configuration

- ممكن أحدد فيه ال configuration settings زى مثلاً sdk paths

sdk.dir=C\:\\Users\\EEdbeshir\\AppData\\Local\\Android\\Sdk

2-Sensitive information

ا لو عندى sensitive information زى مثلاً api_key ممكن أعملة فى ال local بناك عندى properties زى ما هنشوف كمان شوية

3-Convenience

- ممكن أوضح أو أشرح خطوات أى حاجة انا عايزها للـ new developer

Api_key في ال Api_key في ال Api_key: الخطوة الأولى:

- هروح عند الـ local properties وهكتب الـ api_key هناك بالشكل ده :

api_key=12345-abcde-67890-fghij-klmno_

الخطوه الثانية:

- هروح عند الـ (build.gradle(app في الـ default config وهضيف الكود ده :

```
val properties= Properties()
properties.load(project.rootProject.file("local.properties").inputStream())
buildConfigField( type: "String", name: "api_key", value: "\"${properties.getProperty("api_key")}\"")
```

الخطوه الثالثة:


- هعمل rebuild لل rebuild الخطوة الرابعة :
- كدة هقدر أستخدم الـ api_key في الـ app بسهولة

val api_key = BuildConfig.αpi_key

Gradle wrapper file

✓ایه هو ال gradle wrapper ؟

■ الـ gradle wrapper (gradlew) هو عبارة عن application صغير بيكون gradle الله gradle الله gradle الله gradle وطيفتة يعمل build execution الله build execution



■ لو فتحت folder الـ gradle هلاقی فیه folder للـ wrapper الـ folder ده فیه two files :

gradle-wrapper.jar :اولا

- ده عبارة عن عن الـ Java Archive (JAR) ده بيحتوى على الـ logic الـ gradle distribution المطلوب لعمل

≺ایه هو ال gradle distribution ؟

- هو عبارة عن مجموعة الـ versions of the gradle build tool ودى اللى gradle commands ك execute
- كل distribution بيحتوى على الـ files اللى هيحتاجها وقت الـ run زى مثلاً الـ libraries, scripts, other resources

ڠنياً: gradle-wrapper.properties

- هو عبارة عن file بيحتوى على مجموعة properties هنتكلم عنهم دلوقتى

distributionBase=GRADLE_USER_HOME

■ الـ property ده بيحدد الـ path اللى فيه الـ base directory اللى هيتخزن فيه الـ gradle distribution

GRADLE_USER_HOME

■ ده بيشير إلى الـ path نفسة عادة في الـ windows بيكون

% userprofile % \.gradle --> C:\users\username\.gradle

distributionPath=wrapper/dists

■ ده عبارة عن relative path لل distributionBase وهو بيحدد مكان اللى هيتعمل فيه download لل gradle distribution

C:\users\username\.gradle\wrap per\dists

distributionUrl=https\://services.gradle.org/distributions/gradle-8.4-bin.zip

■ ده أهم property هو في البداية بيعمل check هل ال version ده من ال gradle موجود ولا لا لو موجود تمام مش هيعمل download ولكن لو مش موجود هيعمل d ownload من الـ url ده اللي متحدد في الـ property

zipStoreBase=GRADLE_USER_HOME

■ ده شبة الـ distributionBase لانه بيحدد الـ base directory اللى بيتخزن فيه الـ zip files

zipStorePath=wrapper/dists

■ ده شبة ال distributionPath لانه عبارة عن relative لانه عبارة و distributionPath لاته gradle zip files وكمان بيحدد المكان اللى هيتعمل فيه c:\users\username\.gradle\wrap per\dists

دلوقتی عایزین نعرف لما بعمل run لل app إیه بالظبط اللی ال gradle بیعملة بالترتیب :

1- Gradle starts the build process

- في البداية الـ gradle wrapper(./gradlew) بيتم إستدعائة
- الـ gradle بيقرأ الـ configuration من الـ build.gradle file وبيحدد إنه release هيتنفذ بناءاً على الـ build type إذا كان debug او task

2- Dependency Resolution

- الـ gradle بيعمل check و resolve لل dependencies اللى حددتها في ال build.gradle file فبيعمل build.gradle لاى library مهم من الـ repository اللى موجوده فيه اللى حددتها في الـ resolve

3-Compilation Tasks

الـ gradle بيعمل initiates للـ gradle للـ gradle بعد كده الـ bytecode بيعمل compile للـ source code ويحولها لـ compile user باقى الخطوات إتكلمنا عنها قبل كده بالتفصل قبل كدة لحد الـ App

How to Migrate Gradle Groovy to Gradle kotlin DSL

- فيه two versions من الـ gradle الأول groovy والثاني kotlin

√دلوقتی عایز أحول ال groovy من gradle الی groovy:

- الخطوة الأولى: هغير الأسماء الخاصة بال gradle files

- build.gradle(app)--> build.gradle.kts
- build.gradle(project) --> build.gradle.kts
- settings.gradle--> settings.gradle.kts
 - الخطوة الثانية: بعد كدة هبدأ أعمل الـ Migration
- <u>اولاً</u>: في الـ groovy ممكن أستخدم single quotes والـ single quotes أما الـ kotlin بيستخدم الـ double quotes فقط
 - فهغير مثلاً الـ plugin من الشكل ده:

```
plugins {
    id 'com.android.application'
    id 'kotlin-android'
}
```

- الى الشكل ده:

```
plugins {
   id "com.android.application"
   id "kotlin-android"
}
```

- ونفس النظام مع كل ال strings الموجودة في ملفات ال gradle

ثانياً: نحول الـ attributes اللى مكتوبة بالـ groovy إلى function عن طريق إضافة الاقواس بالشكل ده:

```
plugins {
    id("com.android.application")
    id("kotlin-android")
}
```

```
implementation("androidx.compose.ui:ui:1.5.0")
implementation("androidx.compose.material:material:1.5.0")
implementation("androidx.compose.ui:ui-tooling:1.5.0")
implementation("androidx.lifecycle:lifecycle-runtime-ktx:2.6.1")
implementation("androidx.activity:activity-compose:1.7.0")
```

```
include( ...projectPaths: ":app")
```

ثالثاً: هحول الـ fields الموجودة في الـ groovy إلى variables - من الشكل ده (groovy):

```
defaultConfig {
    applicationId "com.orange.mobinilandme"
    minSdkVersion 24
    targetSdkVersion 34
    versionCode 166
    versionName "9.0.0"
    multiDexEnabled true

    javaCompileOptions {
        annotationProcessorOptions {
            arguments['dagger.hilt.disableModulesHaveInstallInCheck'] = 'true'
        }
    }
}
```

- الى الشكل ده (kotlin):

```
defaultConfig {
    minSdk = 24
    targetSdk = 34
    versionCode = 166
    versionName = "9.0.0"
    multiDexEnabled = true
    javaCompileOptions {
        annotationProcessorOptions {
            arguments["dagger.hilt.disableModulesHaveInstallInCheck"] = "true"
        }
    }
}
```

رابعاً: بالنسبة للـ buildTypes مش هينفع إنى أستخدم إسم الـ buildType مباشراً ولكن هنستتخدم ميثود ()getByName من الشكل ده (groovy):

```
buildTypes { NamedDomainObjectContainer<BuildType> it ->
    release {
        minifyEnabled false
        proguardFiles getDefaultProguardFile('proguard-android-optimize.txt'), 'proguard-rules.pro'
    }
}
```

من الشكل ده (kotlin):

```
buildTypes {
    getByName( name: "release") {
        isMinifyEnabled = false
        proguardFiles(
            getDefaultProguardFile( name: "proguard-android-optimize.txt"),
            "proguard-rules.pro"
        )
    }
}
```

Gradle Catalogs

- لو عندى أكثر من module في ال project بتاعي بيكون فيه حاجات كتير متكررة في الـ gradle لو إحتجت أعمل update مثلاً زي إني أعمل gradle لل versions الخاصة بالـ libraries في الحالة دى هضطر إني أغير في كل الـ gradle catalogs علشان كدة بنستخدم الـ gradle catalogs
 - أى library بتكون من 3 حاجات بالشكل ده:

androidx.core :core-ktx :1.8.0 yersion

کمان الـ plugin بتتکون من حاجتین :

id("com.example.mycustomplugin") version "0.1.0"

id version

دلوقتی بمجرد ما أعمل project جدید اله catalogs بتكون موجودة ولكن لو عندی project قدیم مثلاً وعایز أعملة refactor وأخلية يستخدم الـ catalog ؟

- الخطوة الأولى:
- هخلى الـ project view يتعرض في الـ project view
- هروح عند الـ gradle وهعمل file جديد وهسمية
 - الخطوة الثانية:
 - الـ file بنقسمة اللي 3 أجزاء بالشكل ده:

[versions]
[libraries]
[plugins]

- الخطوة الثالثة:
- هفرض ان عندى library بالشكل ده:

```
implementation("androidx.core:core-ktx:1.2.0")
```

- هفتح الـ file بتاع الـ catalogs هنكتب تحت كل section الجزء الخاص بيه بالشكل ده:

```
[versions]
ktx = "1.2.0"
[libraries]
androidx-core-ktx = { group = "androidx.core", name = "core-ktx", version.ref = "ktx" }
[plugins]
```

- كدة أقدر أستخدم الـ library على طول عن طريق الـ toml بالشكل ده

implementation(libs.androidx.core.ktx)

- الخطوة الرابعة:
- لوعندی plugin بالشکل ده:

```
id("com.android.library") version "8.0.2" apply false
```

- نفس النظام اللي عملتة مع الـ library هعملة مع الـ plugin هضيف الـ section تحت الـ section الخاص بيه

```
[versions]
ktx = "1.2.0"
agp="8.0.2"
[libraries]
androidx-core-ktx = { group = "androidx.core", name = "core-ktx", version.ref = "ktx" }
[plugins]
android-library = { id = "com.android.library", version.ref = "agp" }
```

- كدة أقدر أستخدم الـ plugin على طول عن طريق الـ toml بالشكل ده :

```
alias(libs.plugins.android.library) apply false
```

- بالشكل ده لو إحتجت أعمل update بدل ما كنت بعمل update في كل module

- الخطوة الخامسة:

- لو عايز اعمل نفس الكلام مع الـ variables الموجودة في الـ gradle هعملها بالشكل ده :

```
[versions]
ktx = "1.2.0"
agp = "8.0.2"
targetSDK = "35"
minSDK = "24"
```

- بعد كدة هستخدمهم بسهولة في الـ build.gradle بالشكل ده :

```
minSdk = libs.versions.minSDK.get().toInt()
targetSdk = libs.versions.targetSDK.get().toInt()
```

Gradle script

- معظم الـ files اللي إتكلمنا عنهم عبارة عن Gradle script زي مثلاً:
 - build.gradle
 - settings.gradle
 - gradle.properties

▼ gradle scripts ?

- هو عبارة عن file يستخدم فى الـ build Configurations للـ build Configurations سواء كان هو عادة بيستخدم (DSL) هو عادة بيستخدم kotlin او groovy

? Domain-Specific-Language (DSL) إيه هو الـ

android عن برنامج معين مصمم لمشاكل معينة في ال tasks او development وده بيسمح للمبرمجين إنهم يعبروا عن ال concepts ال concepts بطريقة مختصرة وسهلة الفهم بدل من إستخدام general purpose program language زى الجافا او الكوتلن

≪ایه الفرق بین الـ DSL زی مثلاً kotlin DSL والـ normal kotlin ؟

1- Purpose

- الـ kotlin DSL بيكون في حالة الـ Gradle مصمم لعمل build للـ broject وتنظيم الـ dependencies وتنفيذ الـ tasks
- اما الـ Normal Kotlin هى تعتبر Normal Kotlin هى تعتبر android app او الـ language هى بتستخدم فى كتابة حاجات كتيرة سواء desktop أو حتى الـ backend

2- Structure & Syntax

■ الـ kotlin DSL بيستخدم keywords معينة خاصة بالـ build زى مثلاً {} dependencies , android بتكون مختصرة أكتر ومعبرة عن الـ tasks الخاصة بالـ build ■ اما الـ Normal Kotlin ده بيتبع standard kotlin علشان يحدد الد classes او الـ function او

3- Context and Execution Environment

- ال kotlin DSL ده بیتنفذ فی سیاق ال Gradle build lifecycle وده gradle specific API, configurations, ال reference بیسمح إنه build system بشکل مباشر مع الـ interact ودة معناة إنه بـ tasks

: Custom Gradle Script إزاى أعمل

create new file : الخطوة الأولى

- هعرض الـ project View في Project View

- هعمل file جديد وليكن هسمية

الخطوة الثانية: Define your custom task

- هضيف فيه الكود اللي عايزة ينفذ وليكن الكود الخاص بالـ flavors بالشكل ده:

الخطوة الثالثة : Include the custom script in your build file

- لو عندى أكثر من module في الـ project بدل ما أضطر إنى أكتب الكود ده في كل module كل اللي عملتة في كل module كل اللي هعملة إنى هعمل apply للـ gradle script اللي عملتة في كل module .:

apply(from = "\${rootProject.projectDir}/flavors.gradle")

ده عبارة عن الـ root الخاص بالـ project وده لانى عملت الـ gradle script في الـ root وممكن apply بالشكل ده :

apply(from = "\${rootProject.projectDir}/gradle/flavors.gradle")

Gradle Tasks

■ إيه هي ال Gradle Tasks ؟

- √ عبارة عن small unit of work بنكتبة في ال gradle build script كل small unit of work بيكون موجود في الـ gradle بيعرض action معين عايزة يتنفذ زى مثلاً لو عايز أطلع apk من الـ project او أعمل install للـ app على الـ emulator او ممكن أفحص الكود بتاع الـ app وأشوف المشاكل الموجودة فيه وكمان ايه الإقتراحات الموجودة على task يكون معتمد على task علشان أحلها و task تانية كتيرة وكمان ممكن أخلى task يكون معتمد على task تاني زى ما هنشوف كمان شوىة.
 - ✓ ال tasks دى انا مش مضطر انى أفتح ال project على الأندرويد استديو علشان
 أشغلها بالعكس انا ممكن أشغلة على الـ terminal زى الـ bash او اى cmd



أولاً: built -in tasks

- ✓ دى عبارة عن tasks جاهزة في الأندرويد ممكن أستخدمها بشكل مباشر
 - ✓ لو عايز أشوف كل الـ tasks اللى موجودة هستخدم الـ command ده

C:\Users\EEdbeshir\AndroidStudioProjects\MyApplication>gradlew tasks

هلاقيه ظهر كل الـ tasks الموجودة وهلاحظ إنهم متقسمين لكذا نوع كل نوع منهم ليه الشكل ده :

1-Build tasks

- دى الـ tasks المسؤله عن الـ compiling والـ tasks

```
Build tasks
 assemble - Assemble main outputs for all the variants.
 assembleAndroidTest - Assembles all the Test applications.
 ssembleDebug - Assembles main outputs for all Debug variants.
 ssembleFree - Assembles main outputs for all Free variants.
 ssemblePro - Assembles main outputs for all Pro variants.
assembleRelease - Assembles main outputs for all Release variants.

assembleUnitTest - Assembles all the unit test applications.

build - Assembles and tests this project.

buildDependents - Assembles and tests this project and all projects that depend on it.

buildKotlinToolingMetadata - Build metadata json file containing information about the used Kotlin tooling buildNeeded - Assembles and tests this project and all projects it depends on.
bundle - Assemble bundles for all the variants.
bundleDebug - Assembles bundles for all Debug variants.
 oundleFree - Assembles bundles for all Free variants.
 oundlePro - Assembles bundles for all Pro variants.
 oundleRelease - Assembles bundles for all Release variants.
 clean - Deletes the build directory.
 compileFreeDebugAndroidTestSources
 compileFreeDebugSources
 compileFreeDebugUnitTestSources
 compileFreeReleaseSources
 compileFreeReleaseUnitTestSources
 compileProDebugAndroidTestSources
 compileProDebugUnitTestSources
 compileProReleaseSources
 ompileProReleaseUnitTestSources
```

عنى مثلاً الـ assemble ده وظيفتة يعمل build للـ apk وكمان لو كنت مستخدم apk الـ generate او pro مثلاً او free مثلاً او flavors هلاقية عمل generate لكل الـ flavors الموجودة

2-Build Setup tasks

- ده عادة بيشير إلى الـ tasks اللى وظيفتها تجهز الـ build environment أو الـ configurations قبل عملية الـ build للـ project نفسة و ده ممكن يشمل الـ dependencies او الـ configuarations وغيرهم

```
Build Setup tasks
------init - Initializes a new Gradle build.
wrapper - Generates Gradle wrapper files.
```

- ممكن أعمل project من جديد باستخدام ال project

3-Verification tasks

- دى الـ tasks المسؤله عن الـ test سواء كان unit test او الـ tasks المسؤله

```
Verification tasks
heck - Runs all checks.
heckJetifier - Checks whether Jetifier is needed for the current project
connectedAndroidTest - Installs and runs instrumentation tests for all flavors on connected devices.
connectedCheck - Runs all device checks on currently connected devices.
connectedFreeDebugAndroidTest - Installs and runs the tests for freeDebug on connected devices.
connectedProDebugAndroidTest - Installs and runs the tests for proDebug on connected devices.
deviceAndroidTest - Installs and runs instrumentation tests using all Device Providers.
deviceCheck - Runs all device checks using Device Providers and Test Servers.
int - Runs lint on the default variant.
intFix - Runs lint on the default variant and applies any safe suggestions to the source code.
intFreeDebug - Print text output from the corresponding lint report task
intFreeRelease - Print text output from the corresponding lint report task
intProDebug - Print text output from the corresponding lint report task
intProRelease - Print text output from the corresponding lint report task
intVitalFreeRelease - Print text output from the corresponding lint report task
intVitalProRelease - Print text output from the corresponding lint report task
est - Run unit tests for all variants.
estFreeDebugUnitTest - Run unit tests for the freeDebug build.
estFreeReleaseUnitTest - Run unit tests for the freeRelease build.
estProDebugUnitTest - Run unit tests for the proDebug build.
estProReleaseUnitTest - Run unit tests for the proRelease build.
pdateLintBaseline - Updates the lint baseline using the default variant.
```

في الـ lint مسؤل إنه يطلع كل المشاكل الموجودة في الـ project ولكن على شكل ملفات html لو نفذت الـ command ده وبعد كدة فتحت ملف الـ build عند الـ html لو فتحتة هلاقي فيه كل المشاكل الموجودة في الـ reports هلاقي ملف الـ project وشرحها

4-Install tasks

- دى tasks مسؤله عن ال deploying وال installing للا

```
Install tasks

installFreeDebug - Installs the Debug build for flavor Free.
installFreeDebugAndroidTest - Installs the android (on device) tests for the FreeDebug build.
installProDebug - Installs the Debug build for flavor Pro.
installProDebugAndroidTest - Installs the android (on device) tests for the ProDebug build.
uninstallAll - Uninstall all applications.
uninstallFreeDebug - Uninstalls the Debug build for flavor Free.
uninstallFreeDebugAndroidTest - Uninstalls the android (on device) tests for the FreeDebug build.
uninstallFreeRelease - Uninstalls the Release build for flavor Free.
uninstallProDebug - Uninstalls the Debug build for flavor Pro.
uninstallProDebugAndroidTest - Uninstalls the android (on device) tests for the ProDebug build.
uninstallProRelease - Uninstalls the Release build for flavor Pro.
```

5-Android tasks

اله task دى خاصة باله android بشكل عام زى مثلاً اله task الأول بيعرض كل اله task الموجودة في اله project الثاني مسؤل عن اله signing configurations واله task الثالث بيعرض كل اله source set الثالث بيعرض كل اله project الموجودة في اله وجودة في اله وحودة في وحودة في اله وحودة في وحودة في اله وحدة في اله وحودة في اله وحودة في اله وحودة في اله وحدة في اله وحد

Android tasks

androidDependencies - Displays the Android dependencies of the project. signingReport - Displays the signing info for the base and test modules sourceSets - Prints out all the source sets defined in this project.

6-Help tasks

- دى tasks بتظهر information عن الـ tasks

ثانياً : custom tasks

- دلوقتی إحنا ممكن نعمل task معین خاص بینا زی ما هنشوف دلوقتی ولكن لان
 الموضوع مهم فهنبدأ بحاجات صغیرة الأول وبعد كدة هنتكلم عن الـ tasks اللی
 ممكن نحتاجها واحنا شغالین وبتوفر علینا شغل كتیر
- ال tasks دى ممكن نكتبها في ملفات ال build.gradle الخاصة بال project وممكن tasks وممكن build.gradle في ال build.gradle في ال build.gradle في ال build.gradle علشان بتنفذ

- ده task صغیر کل وظیفته یطبع کلمه hello world دلوقتی عایزین نفهم کل حاجه فی الکود ده
- اللى هى register وظيفتها إنها بتحدد إن فيه task جديد هيتعمل task جديد هيتعمل الله فيه task جديد هيتعمل الأول هو إسم اله task وبتاخد two parameters الأول هو إسم اله action اللي هيتنفذ اللي هو

println("hello world")

- لو عملت run هلاقي الـ output بالشكل ده:

```
hello world
> Task :app:task1 UP-TO-DATE

BUILD SUCCESSFUL in 4s

Build Analyzer results available
8:58:40 PM: Execution finished 'task1'.
```

■ ازای أعمل run لل custom task ؟

- الـ custom task ممكن أعملة run عن طريق الـ terminal زى ما كنت بعمل built-in tasks للـ built-in tasks

```
c:\Users\EEdbeshir\AndroidStudioProjects\MyApplication>gradlew task1
hello world
```

BUILD SUCCESSFUL in 3s

- وممكن أعمله run عن طريق ال android studio

Configuration phase Vs **Execution phase**

Configuration phase : গ্রিছা

- ده بيحصل لما الـ gradle بيعمل build للـ project أثناء الـ build بيحصل لما الـ Registration في وقت الـ Registration ده الكود اللي في الـ task بيتنفذ

Execution phase : ينياً

- ده بيحصل لما بعمل run لـ task معين الكود اللى بيتنفذ في الـ phase دى هو اللى بيكون داخل الـ { doFirst { }

علشان نفهم الكلام ده هناخد مثال صغير

- لو عملت run هلاقي الـ output ظهر بالشكل ده:

```
this is task one

> Task :app:task1
this is task one inside first
this is task one inside last

BUILD SUCCESSFUL in 2s
1 actionable task: 1 executed

Build Analyzer results available
9:42:34 PM: Execution finished 'task1'.
```

- هلاحظ إن الكود إتنفذ كالتالى:
 - أولاً: this is task one

ودة يعتبر الـ main task ودة بيتنفذ لما الـ task يحصلة registration مش في يعنى ده معناه إنه run كجزء من الـ task configuration phase مش في الـ execution time

- ثانياً : this is task one inside first
- وده لاننا إستخدمنا { doFirst { الكود اللى مكتوب داخل { doFirst } بيتنفذ بعد الد task الأساسى وقبل أى task تانى وده إتنفذ في وقت الـ configuration مش في الـ
 - ثالثاً: this is task one inside last ثالثاً: co المنافذ في الأخر لاننا إستخدمنا { doLast وكمان ده بيتنفذ بعد ال task وبعد أي task تاني

dependsOn{ }

- الميثود دى مهمة فى الـ task ومستخدمة بشكل كبير وعن طريقها بحدد إن فيه task معين هيتنفذ قبل task تانى

في الكود ده هنا أنا حددت إنه عشان ينفذ task2 لازم الأول هيروح ينفذ task1 وبعد كده ينفذ task2

- لوعملت run لـ task2 هلاقي الـ output ظهر بالشكل ده:

```
this is task two
this is task one
> Task :app:task1 UP-TO-DATE
> Task :app:task2 UP-TO-DATE

BUILD SUCCESSFUL in 1s

Build Analyzer results available
5:41:48 AM: Execution finished 'task2'.
```

This is task two
This is task one

- المفروض إن task1 يتنفذ الأول وبعد كدة يتنفذ task2 ولكن اللى ظهر عكس كده:
- اللى حصل هو انه فى البداية عمل register لـ execute وليس execute فنفذ السطر ده:
 - : بعد كدة عمل register وليس execute وليس task1 السطر ده برضو println("this is task one")
- لما جه ينفذ الميثود {{dependOn راح عمل execute وبعد كده عمل task2 وبعد كده عمل task2 وبعد كدة نفذ task2 فكده فعلياً هو نفذ task2 الاول وبعد كدة نفذ task2 و -الـ message بتاعت task1 و عناها إن الـ gradle حسب task2 و task2 و إن الـ outputs بتاع الإتنين متغيرش
 - لو حصل تغير مثلا في task1 وعملت run لـ task2 بما إن task1 بيعتمد على task1 الأول ده هـ task1 الأول ده معناه إن التغير ده هـ reflect على task2 لانه هينفذ task1 الأول الـ task التانى اللى معتمد عليه الـ task الاول مش شرط يكون custom ممكن built-in task

- دلوقتى عايز اعمل task وهو عبارة انه لما أعمل generate يحطهم في folder معين في الـ app إسمة مثلاً my_apks

- هنا انا حددت إن فيه task معين من نوع Copy إسمة moveApk النوع ده فيه الميثود دى :

```
() جدد فيه الـ path اللى هنقل منه الـ files اللى هنقل منه الـ path --> بحدد الـ path اللى هنقل ليه الـ files
```

- لو عملت run لل assemble task هينفذ في البداية الـ assemble وبعد كده هينفذ الـ finalizedBy{ إنى بقدر أحدد ان فيه task معين هيتنفذ في الأخر بعد task تاني وهلاقي الـ apk إتنقلت في my_apks وفيه الـ apks الخاصة بالـ project